



**Sessione di l'Assemblea di Corsica**  
**U 7 di maghju di u 2020**  
**Discorsu di u Presidente\***  
**Jean-Guy Talamoni**

Care culleghe, cari culleghi,

À sente à l'ultime dichjarazione, a riduzione di tutte l'inuguaglià seria diventata a prima priurità di u governu francese : inuguaglià di pettu à a salute, cum'è inuguaglià di pettu à l'educazione. Serebbe quessa a mutivazione di quelli chì cercanu à fà riapre e scole à tutti i patti. Dicenu chì a ripresa di a scola permetterà à i zitelli chì cunosceranu guai sociali di ritruvà una vita più linda. Siccome ci serebbe d'una parte quelli bravi chì volenu apre e scole per aiutà i zitelli in difficoltà sociale è sculare, è di l'altra parte, quelli chì serianu senza riguardu per i zitelli è per a so educazione, riguardu à u so campà famigliale.

A situazione mi pare esse bella sfarente è bella più chjara.

Per contu meiu, leghju è sentu i studii scientifici internaziunali, i scientifici corsi è ancu u cunsigliu scientificu stallatu da Emmanuel Macron, i merri corsi, i trè centu merri parigini, i sindacati d'insignamentu, i parenti d'elevi, chì dumandanu tutti tutti, u riportu di a rientrata à u mese di settembre.

Per contu meiu, guardu in Auropa. Guardu i paesi chì anu riportatu a rientrata à u mese di settembre, cum'è l'Italia o a Spagna. D'altri paesi anu sceltu di principià a riapertura di i stabbilimenti in direzione di i più maiò, quelli capaci à rispettà i gesti di prutezzione. Di i paesi in giru à noi, a Francia hè u solu paese à riapre e scole l'11 di maghju per i più chjuchi.

Incù sta decisione sgalabata, per ùn dì di più, serebbenu l'elevi, cù i so professori è i so parenti, à esse spostati in prima ligna per i risichi di cuntaminazione dopu u scunfinamentu.

Chjode e scole, ùn vole dì abbandunà i zitelli. Ci sò d'altre attività di piena natura chè no li puderebbemu prupone, cù sughjorni in muntagna o à u mare, cù accumpagnatori, dopu un

depistaggi di tutti. E soluzione e pudemu truvà. Ci tocca à truvà le seguitendu scopi sanitari è pedagogichi, per campà, per ingrandà è per vince l'epidemia.

A quistione di a respusabilità si pone à noi tutti quant'è no simu.

A rientrata, puru ristretta, ripresenta un periculu. Senza ghjochi nè libri, ripresenta un ingannu. Òn vulemu più sente ch'ùn simu micca ubligati à seguità. Òn vulemu più rivede u filmu di u primu giru di l'elezzione municipale. Òn pudereimu micca dì ch'ùn la sapiamu micca.

Capiscu i risichi ecunomici mintuvati da u Primu ministru, ma ch'è ci serebbe di pughju per un paese ch'è d'abbandunà a so giuventù à risichi sragiunati identificati, documentati, pruvati da i scintifici ? Òn si pò micca spiegà d'una manu, davanti à u Parlamentu francese, l'evuluzione di l'usu di e mascare per via di l'evuluzione di a duttrina scintifica, è da l'altra, spazzà e dumande internaziunale, ripetute è chjare di i scintifici, moltu più quandu ellu si tratta di a salute di i zitelli. In quantu à i discorsi nant'à l'inugualità sculare è suciale, quandu omu cunosce a piazza di a Francia in fondu à a classifica di l'OCDE, ùn li possu crede tutti. Ci vulia à pensà ci à pena nanzu, ch'è sti prublemi esistenu dipoi anni è anni.

A pusizione ch'è n'avemu da piglià oghje, l'averete capita, ùn hà nunda à ch'è vede cù l'ideulugia. Òn si tratta mancu di oppone si à Parigi. Si tratta di sapè s'è l'eletti di a Corsica sò capaci à piglià decisione, s'elli sò ghjunti à esse maiò, à affermà si in u solu sensu di l'interessi di a Corsica è di prutege i Corsi.

A ringrazià vi.

\*Seul le prononcé fait foi

Contact presse : Julia Marchini– 06 03 66 94 80